

Fouxroegdingdiuj Bouxcuengh

□ Godoq comz hoiz



▲ Fouxroegdingdiuj yiengh foux daegsaek vienhda.

◀ Vunzlai humx yawj fouxroegdingdiuj.



▲ “Roegdingdiuj” yinx vunz humxyawj.



▲ Fouxroegdingdiuj diuj haeuj hagdangz.



▲ Vunzlai caez yien fwngz diuj fouxroegdingdiuj.



▲ Vunzlai gyaez yawj-fouxroegdingdiuj.



▲ Gyoengq hagseng caez diuj fouxroegdingdiuj.

◀ Yiengh foux fouxroegdingdiuj yinx vunz.

Fouxroeg-
dingdiuj Bouxcuengh youq Vujsenh Yen
Dunglingj Cin ranghdieng Bouxcuengh comzyouq neix hwng
riuz, de dwg cungj foux ciuqei duzroeg ningdoengh ndeu, Guengjsae gag
miz.

Gij doxgaiq aeu daeuj diuj fouxroegdingdiuj Bouxcuengh haenx dwg gij yienghroeg aeu
duk san baenz gyaq, baihrog duk baengzcouz heu aeu maeyungz heu nyib dangguh bwn. Vunz
dangdieg gyaqz roegdingdiuj bwn saek heu singjsat ndei, singheuh singjseuq, unqswnh maezvunz, neix
couh dang de dwg duzndei miz fuk.

Youq dangdieg, mboengq gvaqcieng, vunzlai dangdieg gyaqz guh hozdung diuj fouxroegdingdiuj angqhoh
ciengmoq. Guh hozdung seiz, miz bousai ndeu cangguh roegdingdiuj, boux ndeu cangguh bouxgeq, daiq duzroeg
riengz bakdouranz bae daengz gak ranz yienjok hohfuk. Yienj fouxroegdingdiuj seiz, bouxdiaufoux haeuj ndaw
gyaqroeg bae, song fwngz gaem roxnaeuz ngaue dawz gaiqganj ning gyauej roeg, da roeg, bak roeg, fwed roeg, diuj foux
le, gyauej roeg cienq ning, da hai haep, bak fatsing, yienj ok gij ningdoengh ndiepgyaez, doenghsim haenx, lumj duzroeg
mbin, ra gwn, gwn raemx, caemx ndang, baeninz daengj. Duiqfoux liux youq gwnz gyaqroeg ciemz ok geu “bwn” ndeu,
soengq hawj bouxcawj, hoh ranzcawj vunz lai ranz hoengh. Bouxcawj couh baen laeuj noh, bauhoengz hawj
bouxdiaufoux.

Gij fap biujiyenj fouxroegdingdiuj caeuq gij fouxgungjcoz Daijcuiz yaek doxlumj, gak cungj gyaqroeg yungz
haeuj gij dungxaiz caeuq cauhmoq vunz Bouxcuengh.

Ciuq fouxroegdingdiuj daihcibsam daih bouxswncienz Loz Cicungh lwnh, diegcoj gyoengqde youq
Laizbinh Nanzsw Yang; nga Ranzloz gungh cienzfai le cibroek daih bouxfouxroeg, gij foux neix youz
daih' it daih bouxyienj Loz Dauyangh cau' ok, daengz seizneix gaeng swncienz le cibroek daih.

Ciuq neix daeuj suenq, fouxroegdingdiuj daihgaiq hainduj miz youq duenhdoeklaeng
Ciuizmingzcauz caeuq duenhhaenduj Ciuizcinghcauz, gaeng miz sam bak lai bi nanz lo.

Bi 2010, fouxroegdingdiuj Bouxcuengh ndaej senj haeuj daihsam buek
swcigih gaep feihvuzciz vwnzva yizcanj mingzloeg.